

思寺趨文昌橋下透隴畝而分其溝塍綺錯鱗差二十餘派陂堰五所以節水勢公又於其上橫截汝江置于金陂南北百二十五丈斬木爲橦壘薪爲淩間以巨石而絡之偶江水小長陂則蹙其水丈餘而入于冷泉之新渠奔流貫激通舟楫之利利於窮民走文昌橋北沿流三十餘里灌注原田新舊共百有餘頃自茲田無荒者民悉力而開耕爾後又不可勝紀其頃畝矣先時荒廢陂水不入仰天雨積潦而溉之苟旱暵不雨苗則盡稿是臨汝長寧長樂三鄉之民